



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bona Volvntas Optimæ Consentiens. Seu De Sequendo In Omnibus Ductu Providentiæ Diviniæ

Foullon, Jean E.

Leodii, 1657

XI. Aliud ad illam subsidium indicatur.

[urn:nbn:de:hbz:466:1-54992](https://nbn-resolving.org/urn:nbn:de:hbz:466:1-54992)

immoderatè amas. Exhorres ad infamiæ, paupertatis, inimicitiarum imaginem? Quia videlicet famæ, opum, favoris nimium appetens es. Hecatonis illud, à Seneca celebratum, verissimum est: *Desines timere, cum sperare desieris, & concupiscere.*

XI. *Aliud ad illam subsidium indicatur.* Posset addi & aliud indifferentiæ comparandæ subsidium, ex malorum, quæcumque humanæ conditioni occurrere possunt, seriâ & forti præcogitatione, *Nisi, enim quidquid fieri potest pro futuro habes, das in te vires rebus adversis, quas infregit, qui prior vidit.* Quomodò aiunt, crocodilo adversus audacter occurrentes animum non esse, cum in fugientes ferocissimè incurrat. Hinc Christus sæpè discipulos de Passione sua præmonere solitus, ut venientem cò minùs horrerent, quò sæpiùs cogitassent venturam. Sed tum alii ea de præmeditatione multa dixerunt: tum nos etiam aliquid in Machabæorum gestis, ubi Eleazeri ultrò elephantem Regium incurrentis, & Jonathæ ad hostem lacef-

sendum transvadantis, aut tranantis potiùs, egregia facinora narrantur. Nunc post expositas tres virtutes, quas Providentiæ divinæ debemus, totidem illis excolendis & firmandis adjumenta proponenda sunt.

